

Arkiv	Saksbehandlar	Møtedato	Sak nr.
611.1	Knut Øyjordet	05.04.19	10/19

**REVIDERING AV AVTALE OM BRUK AV TERRENG TIL ULIKE HUNDPRØVER
– JOTUNFJELL FJORDANE ELGHUNDKLUBB**

Saksdokument:

Sak 26/06 i fjellstyret.

Saksutgreiing og vurdering:

I behandling av søknad frå Jotunfjell Fjordane elghundklubb om bruk av terrenget til ulike hundprøver, vedtok fjellstyret følgjande i sak 26/06:

Jotunfjell Fjordane elghundklubb får løyve til å disponere Langmorkje statsallmenning for følgjande prøver frå 2006 og fram til og med 2010:

- Sporprøver og bandhundprøver i tida 15.07 – 20.12, men ikkje i veka før elgjakta og under heile elgjaktperioden.
- Laushundprøver i tida etter elgjakta og fram til og med 20.12.
- Laushundprøver i tida 21.08 – 15.09, i området Hovdasmoen med avgrensing Rinda i nord, grense mot Sel i øst, Sjoa og veg til Nybrua i sør og riksveg 51 i vest.

Det blir sett følgjande vilkår for løyvet:

- For laushundprøver i tida 21.08 – 15.09 må jaktleiaren for jaktlaget som har elg- og hjortejakta i Rindhovdafeltet bli varsle i god tid. Dette for å unngå eventuelle konfliktar med utøving av hjortejakt (aktuelt i tida 10.09 – 15.09).
- Når alle prøvene er arrangert, skal fjellstyret ha ein sluttrapport (samla for året) som viser talet på deltagarar i dei ulike prøvene, talet på prøvedagar og kva område som er nytta.
- For jaktprøvene, dvs. band- og laushundprøver, blir det kravd ei avgift på kr. 60,- pr. hund og dag. Innanbygds i Vågå er friteke for avgift. Samla avgift for kvar sesong skal betalast før nyttår.
- Det kan bli opna for bandhundprøver i elgjaktperioden dersom jaktlaget i det aktuelle prøveområdet er ferdig med elgjakta. Dersom det skulle bli ønske om bandhundprøve i elgjaktperioden, kan fjelloppsynet gje løyve til dette.
- Fjellstyret tek atterhald om å ta løyvet opp til vurdering før 2010 dersom forhold skulle tilseie det.

Avtala har ikkje vore tatt opp til revisjon etter 2010, og det er difor «på høg tid» at det blir gjort, slik at løyve til hundprøver formelt er i orden. Det er viktig å leggje til rette for bruk av terrenget til ulike hundprøver. Trening og prøving av jakthundar er viktig for sjølve jaktutøvinga, og fjellstyret stiller dessutan krav om godkjent ettersøksekvipasje i laget i samband med elg- og hjortejakta. Det er difor naturleg å vidareføre eit løyve til klubben. Dagleg leder har hatt ein prat med lederen i elghundklubben om den gamle avtala, erfaringar med denne og ønskje om endringar.

Innstilling til vedtak:

Jotunfjell Fjordane elghundklubb får løyve til å disponere Langmorkje statsallmenning for bandhundprøver og laushundprøver frå 2019 t.o.m. 2023, på følgjande vilkår:

- Bandhundprøver (inkludert blodsporprøver) kan skje i tida 01.07 – 23.12, men ikkje i elgjakta og tre dagar før elgjakta. Dersom det skulle bli aktuelt med bandhundprøver i elgjakta, må dette avklara med fjellstyret.
- Laushundprøver kan skje etter elgjakta og fram til og med 23.12. Normalt er elgjakta avslutta 1. november, men jakta kan bli utvida, spesielt for jakt på grunnkvotedyr, men også i enkelte tilfelle på tilleggsdyr. Det er difor viktig at elghundklubben held seg orientert utover hausten om kva for område det ennå er opna for elgjakt. Dersom spesielle forhold tilseier det, kan fjellstyret ikkje tillate laushundprøver i enkelte område sjølv om elgjakta er avslutta.
- Når føreforholda tilseier det og elghundklubben ikkje har fått avvikla alle planlagde prøver før 23.12, kan fjellstyret gje dispensasjon for prøver i løpet av fyrste halvdel av januar. Fjellstyret kan også gje løyve til laushundprøver på enkelte dagar i tida 21.08 – 15.09 i treningsfelt for elghundar i Hoskelie og på Hovdasmoen. Det same gjeld laushundprøver i elgjakta, både før og etter 1. november.
- Spørsmål om løyve frå fjellstyret i dei tre punkta ovanfor er delegert til dagleg leder.
- For alle laushundprøver etter elgjakta, og eventuelle prøver som det er gjeve løyve til i elgjakta (og som ikkje er datofesta), så skal fjelloppsynet v/dagleg leder bli kontakta dagen før aktuell prøvedag, av dommaren for den aktuelle prøva. Varsling skal også skje dersom ei laushundprøve startar i eit område utafor Langmorkje statsallmenning, og ein forventar at prøveekvipasjen kan kome inn i Langmorkje.
- Etter sesongslutt skal fjellstyret ha ein rapport (samla for hausten) som viser talet på deltakarar i dei ulike prøvene.
- For alle band- og laushundprøver (ikkje blodspor), blir det kravd ei avgift på kr. 60,- pr. hund og dag. Samla avgift for kvar sesong skal betalast til fjellstyret i løpet av januar.
- Elghundklubben kan også i berrmarkssesongen disponere aktuelle område i Langmorkje statsallmenning til «klubbkveldar», der det blir lagt opp til trening med bandhund på blodspor.
- Fjellstyret tek atterhald om å ta løyvet opp til ny vurdering før 2023 dersom forhold skulle tilseie det.

Vedtak:

Samrøystes: Som innstillinga.

Rett utskrift. Går til:

Jotunfjell Fjordane elghundklubb v/Leif Einar Olsen

Kopi til:

Beitelaga v/leder

Vågåmo, 05.04.19

Knut Øyjordet (e.f)

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no